

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1917/22  
Sarajevo, 2.11.2022. godine

**Z A P I S N I K**  
**13. VANREDNE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 19.10. i 2.11.2022. godine**

Sjednica je počela sa radom u 12:27 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio sve prisutne, a posebno predsjednika Federacije BiH gospodina Marinka Čvaru, predstavnike medija koji prate sjednicu, predstavnike međunarodne zajednice, predstavnike OHR-a i sve koji prate sjednicu preko YouTube kanala.

Izostanak sa sjednice su najavili: Dževad Hadžić, Senad Ahmetović, Zvonko Marić i Nikica Bosnić.

Prema evidenciji Stručne službe sjednici prisustvuje 45 delegata, što čini većinu, pa Dom naroda može raditi i punovažno odlučivati.

Kolegij Doma naroda je predložio da se kao 1. tačka dnevnog reda razmatra verifikacija mandata delegatkinji u Domu naroda Parlamenta Federacije BiH, s pojašnjenjem da je od zadnje sjednice od Centralne izborne komisije BiH stigla obavijest o dodjeli mandata za dvoje delegata koji su preminuli, te su umjesto njih nominirani novi delegati: Razim Halkić umjesto preminulog Anela Šahinovića i Edina Abdić – Pleho umjesto preminule kolegice Segmedine Srne-Bajramović.

Predsjedavajući je obavijestio prisutne da se gospodin Halkić izjasnio da neće prisustvovati sjednici i da neće preuzeti mandat koji mu je dodijeljen od strane Centralne izborne komisije, a sjednici je pristupila gospođa Edina Abdić - Pleho.

Na osnovu rezultata glasanja, predsjedavajući je konstatovao da je Dom naroda sa 41 glasom za, bez suzdržanih i bez glasova protiv, prihvatio prijedlog da se u dnevni red uvrsti Verifikovanje mandata delegatkinji u Domu naroda Parlamenta Federacije BiH.

Kolegij Doma naroda je također predložio da se u dnevni red uvrste Prijedlog odluke o potvrđivanju Odluke predsjednika Federacije Bosne i Hercegovine o imenovanju sudija Ustavnog suda Federacije Bosne i Hercegovine i Izbor sudije Ustavnog suda Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 44 glasa za, bez suzdržanih glasova i bez glasova protiv, usvojio sljedeći:

## D N E V N I R E D

1. Verifikovanje mandata delegatkinji u Domu naroda Parlamenta Federacije BiH;
2. Prijedlog odluke o potvrđivanju Odluke predsjednika Federacije Bosne i Hercegovine o imenovanju sudija Ustavnog suda Federacije Bosne i Hercegovine;
3. Izbor sudije Ustavnog suda Federacije Bosne i Hercegovine.

### **1. Verifikovanje mandata delegatkinji u Domu naroda Parlamenta Federacije BiH**

Centralna izborna komisija Bosne i Hercegovine obavijestila je Dom naroda Parlamenta Federacije BiH da je prestao mandat Segmedini Srni-Bajramović te je dodijelio mandat sljedećoj kvalifikovanoj kandidatkinji, gospođi Edini Abdić-Pleho iz reda Ostalih iz Unsko-sanskog kantona.

Mandatno-imunitetska komisija Doma naroda Parlamenta Federacije BiH razmatrala je ovaj prijedlog i dostavila svoj izvještaj.

Na osnovu rezultata glasanja, predsjedavajući je konstatovao da je ovaj Izvještaj prihvaćen jednoglasno sa 45 glasova za.

Predsjedavajući je pozvao delegatkinju Edinu Abdić-Pleho da da svečanu izjavu.

Predsjedavajući je nakon davanja svečane izjave čestitao delegatkinji Edini Abdić-Pleho.

### **2. Prijedlog odluke o potvrđivanju Odluke predsjednika Federacije Bosne i Hercegovine o imenovanju sudija Ustavnog suda Federacije Bosne i Hercegovine**

Odluku o imenovanju Ajše Softić, Mirka Miličevića i Branimira Orašanina za sudije Ustavnog suda Federacije BiH donio je predsjednik Federacije BiH uz saglasnost potpredsjednika Federacije BiH i dostavio je Domu naroda na potvrđivanje.

Prijedlog odluke obrazložio je gospodin Marinko Čavara, predsjednik Federacije BiH.

U raspravi su učestvovali Jasmin Duvnjak, Ivo Tadić, Aner Žuljević, Marinko Čavara, Vibor Handžić, Zdenka Džambas, Igor Stojanović, Elmedin Konaković i Damir Marjanović.

Predsjedavajući je, prije izjašnjavanja o ovoj tački podsjetio prisutne da su na stolove dobili Izvještaj Komisije za izbor i imenovanja.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 33 glasa za, 6 suzdržanih i 6 glasova protiv donio Odluku o potvrđivanju Odluke predsjednika Federacije BiH o imenovanju Ajše Softić, Mirka Milićevića i Branimira Orešanina za sudije Ustavnog suda Federacije BiH.

Ivo Tadić, predsjednik Kluba delegata hrvatskog naroda je zatražio pauzu od 20 minuta.

Nakon pauze, Ivo Tadić je dao kratko obrazloženje diskusije na Klubu delegata hrvatskog naroda, te se potom prešlo na tačku 3.

### **3. Izbor sudije Ustavnog suda Federacije Bosne i Hercegovine**

Visoko sudsko i tužilačko vijeće BiH je dostavilo dvije liste kandidata i to od 16. oktobra 2019. godine i od 26. februara 2021. godine, pa je u skladu sa stavom 2. Amandmana na Ustav Federacije BiH potrebno da Dom naroda Parlamenta Federacije BiH potvrdi jednog od najviše rangiranih kandidata iz reda relevantnog konstitutivnog naroda ili iz reda ostalih s liste koje je dostavilo VSTV BiH.

Predsjedavajući je podsjetio prisutne da će se izjašnjavati o listi VSTV BiH iz 2019. godine, koja je pristigla iz Ureda predsjednika Federacije BiH te, da je s te liste pod brojem 3) gospodin Ljubomir Ožegović odustao od kandidature, što je i pismeno potvrdio.

Od kandidature je odustala i gospođa Sena Uzunović a sa druge liste iz 2021. godine, odustao je gospodin Jozo Anđić.

Na listi iz 2019. godine na prvom mjestu je gospodin Čampara Dubravko.

U raspravi su učestvovali Jasmin Duvnjak, Aner Žuljević, Ivo Tadić, Boris Krešić, Tomislav Martinović i Senad Alić.

Jasmin Duvnjak je pročitao tri zaključka koje je donio zajedno sa Anerom Žuljevićem.

Na osnovu rezultata glasanja, predsjedavajući je konstatovao da Dom naroda sa 24 glasa za, 19 suzdržanih i 3 glasa protiv, nije prihvatio ove zaključke.

Jasmin Duvnjak je zatražio pauzu od 30 minuta.

Nakon pauze, predsjedavajući je obavijestio prisutne da smatra da nedostaje kvorum te zamolio sekretara gospodina Izmira Hadživdića da izvrši pojedinačnu prozivku.

Nakon pojedinačne prozivke, predsjedavajući je konstatovao da su u sali prisutna 22 delegata, te konstatovao da nema uvjeta za nastavak sjednice.

Sjednica je prekinula s radom u 16:45 sati.

## **Nastavak sjednice od 2.11.2022. godine**

Sjednica je počela s radom u 12:36 sati.

Sjednicom je predsjedavao Tomislav Martinović, predsjedavajući Doma naroda.

Prema evidenciji Stručne službe sjednici prisustvuje 40 delegata, što čini većinu, pa Dom naroda može raditi i punovažno odlučivati.

Predsjedavajući je podsjetio prisutne da je sjednica prekinuta na tački:

### **3.Izbor sudije Ustavnog suda Federacije Bosne i Hercegovine**

Predsjedavajući je podsjetio prisutne da je rasprava po ovoj tački okončana, te izrazio nadu da će se ovo pitanje konačno riješiti i ispoštovati rok koji je ostavljen Amandmanom na Ustav Federacije BiH, a kojeg je proglasio Visoki predstavnik u BiH.

Predsjedavajući je podsjetio delegate da treba da se izjasne o kandidatima sa liste Visokog sudskog i tužilačkog vijeća, koji su postigli odlične rezultate.

Predsjedavajući je, s obzirom da je rasprava okončana po ovom pitanju, predložio Domu naroda izjašnjanje o imenovanju gospodina Alena Taletovića, koji dolazi iz reda bošnjačkog naroda, za sudiju Ustavnog suda Federacije Bosne i Hercegovine.

Na osnovu rezultata glasanja, predsjedavajući je konstatovao da je sa 33 glasa za, Dom naroda Parlamenta Federacije BiH izabrao Alena Taletovića za sudiju Ustavnog suda Federacije BiH.

Predsjedavajući se svima zahvalio na dolasku i konstruktivnom ponašanju, te zaključio 13. vanrednu sjednicu Doma naroda.

Sjednica je završila s radom u 12 sati i 40 minuta.

\*\*\*

Transkript sjednice čini sastavni dio Zapisnika.

\*\*\*

SEKRETAR  
Izmir Hadžiavdić

PREDSJEDAVAJUĆI  
Tomislav Martinović